

西南稀見方志文獻

第二十三卷

中國西南文獻叢書

中國西南文獻叢書編輯委員會

中國西南文獻叢書·第一輯

西南稀見方誌文獻

第二十三卷



001032

本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

雲南府志

〔清〕

範承勛

張毓碧修

謝

儼纂

.....

一

雲南府志

【清】

範承勛 張毓碧 修  
謝儼 纂

# 雲南府志

《雲南府志二十六卷》，清範承勛、張毓碧修，謝儼纂。本書據清康熙三十五年（公元一六九六年）木刻本影印，原書成品尺寸爲二十八厘米乘二十二厘米，版框尺寸爲二十三厘米乘十八厘米。

雲南府志序

滇省極天下之西南控交

緬錯黔蜀幅幘遼濶皇皇

數千里誠荒服一巖疆也

康熙辛未通志告成恭呈

御覽而於二十郡之形勝已紀

其畧矣然二十郡之中星

羅碁布各當一面之衝而

為全滇居重馭輕之勢者

厥惟雲南一郡規模弘偉

省會是崇重臣統馭於上

庶僚分理於中百職事奔

走承命於下田賦甲兵所

由出文章禮樂所由興宣

天子之德意以嘉惠元元則又

立綱陳紀所由次第而張

弛也而且太華昆海久擅

名區其間賢士大夫則古

稱先以至高人隱士藏名

山而韜道德之光者又足

序二

永久况滇雖遠在天末其

山川險易建置因革與夫

政教之興衰吏治之得失

民風之醇疵是皆治滇者

所宜亟講也詎可忽諸臣

序三

於二十五年欽奉

簡命來制茲土見兵燹之餘其

生齒凋耗尚未盡登也制

度頽廢尚未盡舉也賦役

繁重尚未盡復也文教尚

未盡修武備尚未盡飭也

日夜兢兢蒿目而憂嘗望

古遙集欲得往代之賢臣

善政奉為楷模而則倣之

乃檢點遺文得其梗槩三

序四

代以前無攷矣由秦漢以

迄於唐大率皆羈縻弗絕

治人治法蓋寥寥也元之

賽典亦其區畫經營之事

至今父老猶能言之緬其



遺躅邈然難追有明樹藩

建節繁豈無人及末造法

隨時啟以致豕突鴟張之

輩職為厲階稽往事者每

有遺憾焉自

序五

本朝戡定以來我

皇上軫念遐荒

恩綸疊下山川日益奠麗彝

漢日益安帖溝洫日益疏

濬土田日益開墾熙皞耕

鑿者民風絃誦詩書者士

習休息而蕃衍者戶口輸

將而恐後者貢賦雖山澤

魚鹽之利不敵中州而樹

畜稼穡之勤漸臻樂利撫

序六

今追昔未有如我

國家之聲靈遐暢遠邁千古

者也當此之時使滇志猶

然闕略其何以揚太平之

盛治昭大一統之弘規也

哉臣因會疏

題明載為續纂拜疏之日即

嚴檄設局敦請紳士以郡

臣丁煒總其務學臣吳自

肅督其成務令序次有規

序七

編輯有體分條晰目據事

直書既不敢失之略亦不

敢失之濫庶幾滇乘有成

書可垂之永久而告無過

也已於以獻之

當宁遐荒萬里如在目前安在

志滇之書不可以為治滇

之書也臣謹序所以纂修

之由拜手颺言於簡端

康熙三十年歲次辛未孟

序八

秋月穀旦總督雲南貴州

等處地方軍務兼理糧餉

兵部右侍郎兼都察院右

副都御史加三級臣范承

勲謹序

雲南府志序

今

上御極之二十有九年余旣特  
爲疏

請取滇省通志而脩訂之矣蕪

序一

者剔之遺者補之綱舉目  
張泮泮乎一國之觀也然  
通志紀其要彙志錄其詳  
有通志卽不可無彙志也  
况首善之地乎余新奉

內簡促裝就道雲彙張太守以

彙志告成請序於余余何

言哉夫志也者非徒廣載

籍飾太平已也矧昆明地

號極邊土彝譁靖靡常恢

序二

復以來振起瘡痍脩明禮

樂方將宣布威德廣厲聲

教胥於省彙乎取之彙志

蓋可忽乎哉自昔司馬長

卿通西南彝爲風教所由

起于時滇省附屬益州有  
文翁以德化自任為風教  
所由暨洎唐而下賢太守  
代不乏人其善變也漸矣  
槩覽新志輯要刪繁稍稍

序三

益以近事庶幾明備太守  
其有志於前人乎諒不以  
此事為廣載籍飾太平且  
精勤政事敦厲聲教宣

朝廷之威德靖遐裔之民情於

以式瞻首善克光前典遠  
紹長卿之偉績媿美文翁  
之雅化則皆太守分內事  
也至於天地人物之紀山  
川土田之籍賦役因革之

序四

宜旌別淑慝之義藝文黼  
黻之美要與通志不大相  
懸絕也余今行矣因太守  
之請聊弁數言於篇首

皆

康熙三十三年歲次甲戌

孟秋穀旦總督雲南貴州

等處地方軍務兼理糧餉

兵部右侍郎兼都察院右

副都御史陞任都察院左

序五

都御史加四級瀋陽范承

勲撰

雲南府志序

雲南府爲滇省會城屬州四  
縣七其秩官祠祀城郭倉署  
古蹟名勝賦役兵制倍於他  
郡有通志以統其畧不可無  
記志以紀其詳茲甲戌仲秋

序一

喜拜獻通志三年之後記志  
續成分條列目凡三十卷余  
受而讀之見夫東西南北廣  
袤界至道里井然也雉堞河  
湟捐脩築濬捍禦俱備也田  
塍溝洫疆理攸分侵佔已判

也倉廩府庫營繕補葺漸次

完固也金馬碧雞滇水螳螂  
嶽峙淵渟也氣候溫和民俗  
樸魯太古遺風也孝義忠貞  
今昔節烈猶夫中土也經生  
博士朝夕講論依然聖教也

序二

稻菽麥稷樹藝不時同一收  
獲也貨財輻輳四方商旅充  
塞市廛也銅錫骨角匠斲維  
勤足給器用也羽毛齒革攻  
治畢精足供玩好也鱗介飛  
走彤狀雖異可充殖醬也果

聖皇恩恤邊民

核璣筍鮮嫩時出可實槃格  
也凡此風氣之日上物產之  
日繁皆守土之幸而  
國家之福也然非我

蠲詔屢出何以格孚天心時和

序三

年豐臻此休豫遠溯鴻濛既  
關滇屬西南徼外楚威王使  
莊蹻畧地道絕自王時尚未  
通中國至漢歷唐始入版圖  
然中間撫馭失賢內遭蒙段  
之虐外遭吐蕃之擾茲羈之

蹂躪未可殫述今千百年後  
際

本朝德邁漢唐化同堯舜奄有  
邊陲俾荒甸密箐遍洽聲教  
而裹首跣足之苗獯一旦盡  
變敦詩說禮之編氓衣冠風

序四

俗幾埒中夏豈不盛哉余承  
乏旬宣覽茲紀載不禁掩卷  
稱慶矣至於考索之確核蒐  
訪之精贍可補圖經之不逮  
可增職貢之未經則載筆之  
善也雖然微

皇上崇儒重道世運之隆漸被之

廣安望九州之外文獻脩舉

若此爰書簡端用垂不朽

康熙三十三年歲次甲戌八

月吉日雲南等處承宣布政

使司布政使加四級錦水于

序五

三賢謹序



雲南府志序

維

天子建極之二十九年纂脩

大清一統志雲南省例應

進呈通志以備採擇歲庚午

大司馬制府范公

序一

大中丞今大司馬制府王公

疏

請續纂雲南通志適碧自秋曹

出守雲靄得與叅訂之職越

明年書成碧伏而讀之廣大

悉備一國之文獻盡在此矣

猶必紛紛以靄志為不已贅

哉雖然滇有通志靄志固可

以不作而雲南府之志又不

可以不作何言乎爾會城者

一十九靄之綱領也歷代以

來樹之藩鎮守以重臣一切

序二

禮樂刑政之施因革損益之

宜制度文章之盛莫不於是

乎始然後漸及其外而外之

所率由而創建焉者又莫不

統滙之於此其為勢也重其

為事也大且繁非夫他靄之